

## Молитвы на сонъ грядущимъ.

Во имя Отца, и Сына, и Святаго Духа. Аминь.

Господи Иисусе Христе, Сыне Божий, молиत्वъ ради Пречистыя Твоея Матере, преподобныхъ и Богоносныхъ отецъ нашихъ и всѣхъ святыхъ, помилуй насъ. Аминь.

Слава Тебѣ, Боже нашъ, слава Тебѣ.

Царю Небесный, Утѣшителю, Душе истины, Иже вездѣ сый и вся исполняй, Сокровище благихъ и жизни Подателю, прииди и вселися въ ны, и очисти ны отъ всякія скверны, и спаси, Блаже, души наша.

Святый Боже, Святый Крѣпкій, Святый Безсмертный, помилуй насъ *(трижды)*.

Слава Отцу и Сыну и Святому Духу, и нынѣ и присно и во вѣки вѣковъ. Аминь.

Пресвятая Троице, помилуй насъ; Господи, очисти грѣхи наша; Владыко, прости беззаконія наша; Святый, посети и исцѣли немощи наша, имене Твоего ради.

Господи, помилуй *(трижды)*.

Слава Отцу и Сыну и Святому Духу, и нынѣ и присно и во вѣки вѣковъ. Аминь.

Отче нашъ, Иже еси на небесѣхъ! Да святится имя Твое, да приидетъ Царствіе Твое, да будетъ воля Твоя, яко на небеси и на земли. Хлѣбъ нашъ насущный даждь намъ днесь; и остави намъ долги наша, якоже и мы оставляемъ должникомъ нашимъ; и не введи насъ во искушеніе, но избави насъ отъ лукаваго.

## Тропари:

Помилуй насъ, Господи, помилуй насъ: всякаго бо отвѣта недоумѣюще, сію Ти молитву яко Владыцѣ грѣшніи приносимъ: помилуй насъ.

Слава Отцу и Сыну и Святому Духу:

Господи, помилуй насъ, на Тя бо уповахомъ, не прогнѣвайся на ны зѣло, ниже помяни беззаконій нашихъ: но призри и нынѣ яко

благоутрѣбень, и избави ны отъ врагъ нашихъ. Ты бо еси Богъ нашъ, и мы людіе Твои, вси дѣла руку Твоею, и имя Твое призываемъ.

**И** нынѣ и присно и во вѣки вѣковъ. Аминь.

**Милосердія** двѣри отвори намъ, Благословенная Богородице, надѣющіися на Тя да не погибнемъ, но да избавимся Тобою отъ бѣдъ: Ты бо еси спасеніе рода христіанскаго.

**Господи,** помилуй (12).

### **Молитва 1-я, св. Макарія Великаго:**

**Боже** вѣчный, и Царю всякаго созданія, сподобивый мя даже въ часъ сей dospѣти: прости ми грѣхи, яже сотворихъ въ сей день, дѣломъ, словомъ и помышленіемъ: и очисти, Господи, смиренную мою душу отъ всякія скверны плоти и духа, и даждь ми, Господи, въ нощи сей сонъ преити въ миръ: да воставъ отъ смиреннаго ми ложа, благоугожду пресвятому имени Твоему во вся дни живота моего, и поперу борющія мя враги плотскія и безплотныя. И избави мя, Господи, отъ помышлений суетныхъ, оскверняющихъ мя, и похотей лукавыхъ: яко Твое есть царство, и сила и слава, Отца и Сына и Святаго Духа, нынѣ и присно, и во вѣки вѣковъ. Аминь.

### **Молитва 2-я, св. Антіоха:**

**Вседержителю** Слово Отчее, Самъ совершенъ сый Иисусе Христе, многаго ради милосердія Твоего, никогдаже отлучайся мене раба Твоего, но всегда во мнѣ почивай. Иисусе, добрый пастирю Твоихъ овецъ, не предаждь мене крамолѣ змиинѣ, и желанію сатанину не остави мене, яко сѣмя тли во мнѣ есть. Ты убо, Господи Боже покланяемый, Царю Святыи, Иисусе Христе, спяща мя сохрани немерцающимъ свѣтомъ, Духомъ Твоимъ Святымъ, Имже освятилъ еси Твоя ученики. Даждь, Господи, и мнѣ, недостойному рабу Твоему, спасеніе Твое на ложи моемъ: просвѣти умъ мой свѣтомъ разума святаго евангелія Твоего, душу любовію креста Твоего, сердце чистоюю словесе Твоего, тѣло мое Твоею страстію безстрастною, мысль мою Твоимъ смиреніемъ сохрани, и воздвигни мя во время подобно на Твое славословіе. Яко препрославленъ еси со

безначальнымъ Твоимъ Отцемъ и съ Пресвятымъ Духомъ во вѣки.  
Аминь.

### Молитва 3-я, Святому Духу:

Господи, Царю Небесный, Утѣшителю, Душе истины, умилосердися, и помилуй мя грѣшнаго раба Твоего, и отпусти ми недостойному, и прости вся, елика Ти согрѣшихъ днесь яко чловѣкъ, па́че же и не яко чловѣкъ, но и горѣ скота, вольныя моя грѣхи и невольныя, вѣдомыя и невѣдомыя: яже отъ юности и отъ науки злы: и яже суть отъ наглства и унынія. Аще именемъ Твоимъ кляхся, или похулихъ е въ помышленіи моемъ, или кого укорихъ, или оклеветахъ кого гнѣвомъ моимъ, или опечалихъ, или о чемъ прогнѣвахся, или солгахъ, или безгодно спяхъ, или нищъ прииде ко мнѣ, и презрѣхъ его, или брата моего опечалихъ, или свадихъ, или кого осудихъ, или развеличахъ, или разгордѣхся, или разгнѣвахся, или стоящу ми на молитвѣ, умъ мой о лукавствіи міра сего подвижеся, или возвращеніе помыслихъ, или объядохся, или опихся, или безъ ума смѣяхся, или лукавое помыслихъ, или доброту чуждую видѣвъ, и тою уязвень быхъ сердцемъ, или неподобная глаголахъ, или грѣху брата моего посмѣяхся: моя же суть безчисленная согрѣшенія, или о молитвѣ нерадихъ, или ино что содѣявъ лукавое, не помню: та бо вся и больша сихъ содѣяхъ. Помилуй мя, Творче мой, Владыко, унылаго и недостойнаго раба Твоего, и остави ми, и отпусти, и прости мя, яко благо и чловѣколюбець: да съ миромъ лягу, усну и почию, блудный, грѣшный и окаянный азъ, и поклонюся, и воспую, и прославляю пречестное имя Твое, со Отцемъ, и единороднымъ Его Сыномъ, нынѣ и присно и во вѣки. Аминь.

### Молитва 4-я, св. Макарія Великаго:

Что Ти принесу? или что Ти воздамъ, великодаровитый безсмертный Царю, щедре и чловѣколюбче Господи? Яко лѣнящася менѣ на Твое угожденіе, и ничтоже благо сотворша, привель еси на конецъ мимошедшаго дне сего, обращеніе и спасеніе души моеи строя. Милостивъ ми буди грѣшному, и обнаженному всякаго дѣла

блага, возстави падшую мою душу, осквернившуюся въ безмѣрныхъ согрѣшеніяхъ, и отыми отъ мене весь помысль лукавый видимаго сего житія, прости моя согрѣшенія, еди́не Безгрѣшне, яже Ти согрѣшихъ въ сей день, вѣдѣніемъ и невѣдѣніемъ, словомъ, и дѣломъ, и помышлѣніемъ, и всѣми моими чувствами. Ты Самъ покрывая, сохрани мя отъ всякаго сопротивнаго обстоянія, Божественною Твоею властію и неизреченнымъ человеколюбіемъ и сілою. Очисти, Бо́же, очисти множество грѣховъ моихъ, благоволи, Господи, изба́вити мя отъ сѣти лукаваго, и спаси страстную мою душу, и осѣни мя свѣтомъ лица Твоего, егда приидеши во славу, и неосужденна нынѣ сномъ уснути сотвори, и безъ мечтанія, и несмущенъ помысль раба Твоего соблюди, и всю сатанину дѣтель отжени отъ мене, и просвѣти ми разумныя очи сердечныя, да не усну въ смерть. И послѣ ми Ангела мирна, хранителя и наставника души и тѣлу моему, да изба́вить мя отъ врагъ моихъ: да воста́въ со одра моего, принесу́ Ти благодарственныя мольбы. Ей, Господи, услыши мя грѣшнаго и убо́гаго раба Твоего, изволеніемъ и совѣстію: да́руй ми воста́вшу словесемъ Твоимъ поучитися, и уныніе бѣсовское да́лече отъ мене отгна́но быти сотвори Твоими Ангелы: да благословяю́ имя Твое святое, и прославляю, и сла́влю Пречистую Богородицу Марію, Юже даль еси́ намъ грѣшнымъ заступленіе, и приими́ Сію, молящуюся за ны. Вѣмъ бо, яко подража́етъ Твое́ человеколюбіе, и молящися не преста́етъ. То́я заступленіемъ, и честна́го креста́ знаменіемъ, и всѣхъ святыхъ Твоихъ ради, убо́гую душу мою́ соблюди, Иису́се Христе́, Бо́же нашъ: яко святъ еси́, и препросла́вленъ во вѣки. Ами́нь.

#### Молитва 5-я:

Господи Бо́же нашъ, еже согрѣшихъ во дни семъ словомъ, дѣломъ и помышлѣніемъ, яко благо́ и человеколюбецъ прости́ ми: миренъ сонъ и безмяте́женъ да́руй ми, Ангела Твоего́ хранителя послѣ, покрыва́ющая и соблюда́ющая мя отъ всякаго зла. Яко Ты еси́ хранитель душамъ и тѣлесемъ нашимъ, и Тебѣ́ сла́ву возсыла́емъ, Отцу́, и Сыну́, и Свято́му Ду́ху, нынѣ и присно, и во вѣки вѣковъ. Ами́нь.

### Молитва 6-я:

Господи Боже нашъ, въ Негоже вѣровахомъ, и Егоже имя паче всякаго имени призываемъ, даждь намъ ко сну отходящимъ ослабу души и тѣлу, и соблюди насъ отъ всякаго мечтания, и темныя сласти кромѣ: устави стремление страстей, угаси разжжения востания тѣлеснаго: даждь намъ цѣломудреннѣ пожити, дѣлы и словесы: да добродѣтельное жителство воспріемлюще, обѣтованныхъ не отпадѣмъ благихъ Твоихъ, яко благословенъ еси во вѣки. Аминь.

### Молитва 7-я, ко св. Іоанна Златоуста, по числу часовъ дня и нощи:

Господи, не лиши мене небесныхъ Твоихъ благъ. Господи, избави мя вѣчныхъ мукъ. Господи, уможь ли или помышлениемъ, словомъ или дѣломъ согрѣшихъ, прости мя. Господи, избави мя всякаго невѣдѣнія и забвенія, и малодушія и окаменѣннаго нечувствія. Господи, избави мя отъ всякаго искушенія. Господи, просвѣти мое сердце, еже помрачи лукавое похотѣніе. Господи, азъ яко человекъ согрѣшихъ, Ты же яко Богъ щедръ помилуй мя, видя немощь души моея. Господи, послѣй благодать Твою въ помощь мнѣ, да прославлю имя Твое святое. Господи Іисусе Христе, напиши мя раба Твоего въ книзѣ животнѣй, и даруй ми конецъ благій. Господи Боже мой, аще и ничтоже благо сотворишь предъ Тобою: по даждь ми по благодати Твоей положить начало благое. Господи, окропи въ сердце моемъ росу благодати Твоея. Господи небесе и земли, помяни мя грѣшнаго раба Твоего, студнаго и нечистаго, во Царствіи Твоемъ. Аминь.

Господи, въ покаяніи пріими мя. Господи, не остави мене. Господи, не введи мене въ напасть. Господи, даждь ми мысль благу. Господи, даждь ми слезы, и память смертнующую, и умилѣніе. Господи, даждь ми помысль исповѣданія грѣховъ моихъ. Господи, даждь ми смиреніе, цѣломудріе и послушаніе. Господи, даждь ми терпѣніе, великодушіе и кротость. Господи, всели въ мя корень благихъ, страхъ Твой въ сердце мое. Господи, сподоби мя любити Тя отъ всея души моея и помышленія, и творити во всемъ волю Твою. Господи, покрый мя отъ человекъ нѣкоторыхъ, и бѣсовъ, и страстей, и отъ всякія иныя неподобныя вещи. Господи, вѣси, яко твориши, якоже Ты волиши, да

будеть воля Твоя и во мнѣ грѣшнѣмъ: яко благословенъ еси во вѣки.  
Аминь.

### Молитва 8-я, ко Господу нашему Иисусу Христу:

Господи Иисусе Христе, Сыне Божий, ради честнѣйшя Матере Твоея, и безплотныхъ Твоихъ ангель, пророка же и Предтечи и Крестителя Твоего, Богоглаголивыхъ же апостоль, свѣтлыхъ и допропобѣдныхъ мученикъ, преподобныхъ и Богоносныхъ отецъ, и всѣхъ святыхъ молитвами, избави мя настоящаго обстоянїя бѣсовскаго. Ей, Господи мой и Творче, не хотяи смѣрти грѣшнаго, но якоже обратитися и живу быти ему, даждь и мнѣ обращенїе окаянному и недостойному; изми мя отъ устъ пагубнаго змїа, зїяющаго пожрѣти мя и свести во адъ жива. Ей, Господи мой, утѣшенїе мое, Иже мене ради окаяннаго въ тлѣнную плоть оболкїйся, исторгни мя отъ окаянства, и утѣшенїе подаждь души моеї окаяннѣй. Всади въ сердце мое творити Твоя повелѣнїя, и оставити лукавая дѣянїя, и получитьи блаженства Твоя: на Тя бо, Господи, уповахъ, спаси мя.

### Молитва 9-я ко Пресвятѣй Богородицѣ:

Благаго Царя благая Мати, Пречистая и Благословенная Богородице Марїе, милость Сына Твоего и Бога нашего излеї на страстную мою душу, и Твоими молитвами настави мя на дѣянїя благая: да прочее время живота моего безъ порока преїду, и Тобою рай да обрящу, Богородице Дѣво, единая чистая и благословенная.

### Молитва 10-я, ко святому Ангелу Хранителю:

Ангеле Христовъ, хранителю мой святѣй, и покровителю души и тѣла моего, вся ми прости, елика согрѣшихъ во днѣшнїй день: и отъ всякаго лукавствїя, противнаго ми врага избави мя: да ни въ коемже грѣсѣ прогнѣваю Бога моего: но моли за мя грѣшнаго и недостойнаго раба, яко да достойна мя покажеша благи и милости Всесвятѣя Троицы, и Матере Господа моего Иисуса Христа, и всѣхъ святыхъ.  
Аминь.

### Кондакъ Богородицѣ:

Взбранной воеводѣ побѣдительная, яко избавльшеся отъ злыхъ, благодарственная восписуемъ Ти раби Твои, Богородице: но яко имущая державу непобѣдимую, отъ всякихъ насъ бѣдь свободи, да зовемъ Ти: радуися, Невѣсто неневѣстная.

Преславная Приснодѣво, Мати Христа Бога, принеси нашу молитву Сыну Твоему и Богу нашему, да спасетъ Тобою души наша.

Все упованіе мое на Тя возлагаю, Мати Божія, сохрани мя подъ кровомъ Твоимъ.

Богородице Дѣво, не презри мене грѣшнаго, требующа Твоя помощи и Твоего заступленія: на Тя бо упова душа моя, и помилуй мя.

Упованіе мое Отець, приближище мое Сынъ, покровъ мой Духъ Святыи: Троице Святая, слава Тебѣ.

Достойно есть, яко воистину, блажити Тя Богородицу, присноблаженную и пренепорочную и Матерь Бога нашего. Честнѣйшую херувимъ и славнѣйшую безъ сравненія серафимъ, безъ ислѣнія Бога Слова рождшую, сущую Богородицу Тя величаемъ.

Слава Отцу и Сыну и Святому Духу, и нынѣ и присно и во вѣки вѣковъ. Аминь.

Господи, помилуй *(трижды)*.

Господи, благослови *(и отпусти)*.

Господи, Иисусе Христе, Сыне Божий, молитвъ ради Пречистыя Твоея Матере, преподобныхъ и богоносныхъ отецъ нашихъ и всѣхъ святыхъ помилуй насъ. Аминь.

### Молитва св. Иоанна Дамаскина, юже, указуя на одръ твой, глаголи:

Владыко Человѣколюбче, не уже ли мнѣ одръ сей гробъ будетъ? Или еще окаянную мою душу просвѣтиши днемъ? Се ми гробъ предлежитъ, се ми смерть предстоитъ. Суда Твоего, Господи, боюся, и муки безконечныя, злое же творя не престаю: Тебе Господа Бога моего всегда прогнѣвляю, и Пречистую Твою Матерь, и вся небесныя силы, и святаго Ангела хранителя моего. Вѣмъ убо, Господи, яко недостойнъ есмь человѣколюбія Твоего, но достоинъ есмь всякаго осужденія и

му́ки. Но, Го́споди, или́ хо́щю, или́ не хо́щю, спаси́ мя. Аще бо пра́ведника спасе́ши, ничто́же ве́лие: и а́ще чи́стаго поми́луеши, ничто́же дивно: досто́йни бо су́ть ми́лости Твоея́. Но на мнѣ грѣшнѣмъ удиви́ ми́лость Твою́: о семъ яви́ челоуѣколюбіе Твое́, да не одолѣ́тъ моя́ злоба Твое́й неизглаго́ланнѣй бла́гости, и милосе́рдію: и я́коже хо́щеши, устрои́ о мнѣ вещь.

**И такъ, хотяй же возлеци на постелю, глаголи сіе:**

Просвѣти́ о́чи мои́, Христе́ Бо́же, да не когда́ усну́ въ смерть, да не когда́ рече́тъ врагъ мой: укрѣпи́хся на него́.

Сла́ва Отцу́ и Сы́ну и Свято́му Ду́ху:

Засту́пникъ ду́ши моея́ бу́ди, Бо́же, я́ко посредѣ́ хо́жду сѣтей мно́гихъ: изба́ви ми отъ нихъ, и спаси́ мя, Бла́же, я́ко Челоуѣколюбе́ць.

И ны́нѣ и при́сно и во вѣ́ки вѣ́ковъ. Ами́нь.

Пресла́вную Бо́жію Ма́терь, и святы́хъ Ангелъ святѣ́йшую, немол́чно воспои́мъ, се́рдцемъ и усты́ Богоро́дицу сію́ исповѣ́дающе, я́ко вои́стинну ро́ждшую намъ Бо́га воплоще́нна, и моля́щуюся непреста́нно о душа́хъ на́шихъ.

**Таже цѣлуй крестъ твой, и прекрести крестомъ мѣсто твое отъ главы и до ногъ, такожде и отъ всѣхъ странъ, глаголя молитву Честному Кресту:**

Да воскресе́нетъ Богъ, и расточа́тся врази́ Его́, и да бѣ́жатъ отъ лица́ Его́, ненави́дящии Его́: я́ко исче́зае́тъ дымъ, да исче́знутъ: я́ко тае́тъ воскъ отъ лица́ огня́: та́ко да поги́бнутъ бѣ́сы отъ лица́ любя́щихъ Бо́га, и зна́менующихся крестнымъ зна́меніемъ, и въ весе́лии глаго́лющихъ: ра́дуйся, пречестны́й и животворя́щій Кресте́ Госпо́день, прогоня́й бѣ́сы си́лою на тебѣ́ пропя́таго Го́спода на́шего Иису́са Христа́, во адъ сше́дшаго, и попра́вшаго си́лу діаво́лю, и дарова́вшаго намъ тебе́ Крестъ Свой честны́й, на прогна́ніе вся́каго супоста́та. О пречестны́й и животворя́щій Кресте́ Госпо́день, помога́й ми со Свято́ю Госпоже́ю Дѣ́вою Богоро́дицею, и со всѣ́ми святы́ми во вѣ́ки. Ами́нь.

### Или:

Огради́ мя, Го́споди, си́лою Честна́го и Животворяща́го Твоего́ Креста́, и сохрани́ мя отъ всяка́го зла.

Осла́би, оста́ви, прости́, Бо́же, прегрѣше́нія на́ша, во́льная и нево́льная, я́же въ сло́вѣ и въ дѣ́лѣ, я́же въ вѣ́дѣніи и не въ вѣ́дѣніи, я́же во дни и въ но́щи, я́же во умѣ́ и въ помышле́ніи: вся́ намъ прости́, я́ко Бла́гъ и Человѣ́колюбе́ць.

### Молитва:

Ненави́дящихъ и оби́дящихъ насъ прости́, Го́споди Человѣ́колюбче. Благо́творящимъ благо́твори. Бра́тіямъ и сродни́комъ на́шимъ да́руй я́же ко спасе́нію проше́нія и жизньъ вѣ́чную: въ немо́щехъ су́щія посѣ́ти и исцѣ́леніе да́руй. Иже на мо́ри упра́ви. путеше́ствующимъ спутеше́ствуй. Правосла́внымъ христі́аномъ спобо́рствуй. Служа́щимъ и ми́люющимъ насъ грѣ́ховъ оста́вленіе да́руй. Заповѣ́давшихъ намъ недо́стойнымъ моли́тися о нихъ поми́луй по вели́цѣй Твое́й ми́лости. Помяни́, Го́споди, пре́жде усо́пшихъ оте́ць и бра́тій на́шихъ и упо́кой ихъ, идѣ́же присѣ́щаетъ свѣ́тъ лица́ Твоего́. Помяни́, Го́споди, бра́тій на́шихъ плѣ́нныхъ, и изба́ви я́ отъ всяка́го обстоя́нія. Помяни́, Го́споди, плодоно́сящихъ и добродѣ́лающихъ во святы́хъ Твои́хъ це́рквахъ, и даждь имъ я́же ко спасе́нію проше́нія и жизньъ вѣ́чную. Помяни́, Го́споди, и насъ, смире́нныхъ и грѣ́шныхъ и недо́стныхъ раба́ Твои́хъ, и просвѣ́ти нашъ умъ́ свѣ́томъ ра́зума Твоего́, и наста́ви насъ на стезю́ заповѣ́дей Твои́хъ, моли́твами Пречи́стыя Влады́чицы на́шей Богоро́дицы и Приснодѣ́вы Ма́ріи и всѣ́хъ Твои́хъ святы́хъ, я́ко благослове́нь еси́ во вѣ́ки вѣ́ковъ. Ами́нь.

### Исповѣданіе грѣховъ повседневное:

Исповѣ́даю Тебѣ́ Го́споду Бо́гу моему́ и Творцу́, во Святы́й Трои́цѣ́ Еди́ному, сла́вимоу и покланя́емому, Отцу́, и Сы́ну, и Свято́му Ду́ху, вся́ моя́ грѣ́хи, я́же содѣ́яхъ во вся́ дни живота́ моего́, и на вся́кій часъ, и въ настоя́щее вре́мя, и въ прешед́шія дни и но́щи, дѣ́ломъ, сло́вомъ, помышле́ніемъ, объяде́ніемъ, пі́янствомъ, тайнояде́ніемъ, праздносло́віемъ, уны́ніемъ, лѣ́бностію, прекосло́віемъ,

непослушаніемъ, клеветаніемъ, осужденіемъ, небреженіемъ, самолюбіемъ, многостяжаніемъ, хищеніемъ, неправдоглаголаніемъ, скверноприбытчествомъ, мшелоимствомъ, ревнованіемъ, завистію, гнѣвомъ, памятозлобіемъ, ненавистію, лихоимствомъ и всѣми моими чувствами: зрѣніемъ, слухомъ, обоняніемъ, вкусомъ, осязаніемъ и прочими моими грѣхи, душевными вкупѣ и тѣлесными, имиже Тебѣ Бога моего и Творца прогнѣвахъ, и ближняго моего онеправдовахъ: о сихъ жалѣя, винна себе Тебѣ Богу моему представляю, и имѣю волю каяться: точию, Господи Боже мой, помози ми, со слезами смиренно молю Тя: прешедшая же согрѣшенія моя милосердіемъ Твоимъ прости ми, и разрѣши отъ всѣхъ сихъ, яже изглаголахъ предъ Тобою, яко Благъ и Человѣколюбець.

**Егда предаешися сну, глаголи:**

**Въ руцѣ Твои, Господи Иисусе Христе, Боже мой, предаю духъ мой: Ты же мя благослови, Ты мя помилуй и животи вѣчный даруй ми. Аминь.**